

# Trubul tut te keres proba/testo te si tut vai te sas tut covid-19?

Te gindis te si tut vai te sas tut covid-19 šaj te reserveris tuke jekh proba/testo. Či trubos te počines kanči.

Si duj fialori probi/testori. Jekh proba/testo sikavel te si tut virus ande čire phurdimaske droma/bhuke ai lelpe kana tu san nasvalo ai si tut xas, dukh ande kox, trosna, temperatura, dukh ando stato vai vareso kaver simptomu kai šaj malavel le nasvalimasa covid-19. E kaver proba/testo sikavel te si te sas tut o nasvalimos.

## Proba/testo tuke kai san nasvalo

Astar ai cirde tele o app "Alltid öppet" kai čiro telefono khatar o Appstore vai Google Play. Ando app čide kai ramol "Provtagning för covid-19".

Jekh kaver alternativo si te visitis/žas kai jekh andal Capios špitange internetonge riga ando Stockholm ai te čides kai ramol "Capio coronakoll och coronaprov".

Šaj te alos te reserveris tuke vriama te keres proba/testo pe jekh probako/testosko than vai te manges tuke khere jekh probaki/testoski paketa. Te san sasto či del e špita ivia e proba/testo te šaj dikhes te si tut corona akana.

E informatsia si ferdi pe švedicko šib anda kudo si mišto te si varekon paša tute ai ažutil tut te či žanesa švedicka.

Glati kai nai mai phure sar 13 berš naštin te mangel khere e proba/testo. Von šaj te reserverin penge vriama kai jekh probaki/testoski stansia vai te kontakterin pengi sastimaski špita (vårdcentralen).

Glati kai si opral 13 berš trubul te keren penge Bank ID te šaj reserverin penge proba/testo khere vai kai jekh probaki/testoski stansia.

## Proba/testo tuke kai manges te žanes te sas tut covid-19

Te šaj žanes te sas tut o nasvalimos šaj reserveris proba/testo pe o [www.1177.se/Stockholm/corona-test-frisk](http://www.1177.se/Stockholm/corona-test-frisk). O mai cera 14 djes pala so sanas nasvalo ai san sasto šaj te reserveris čiri proba/testo ai trubus te aves 15 berš vai mai phuro. Glati či sumadon.

## Te trubula tut mai but žutimos

Trubul tut Bank ID te šaj reserveris e proba/testo. Te nai tut smartphone, Bank ID ai či prinžarimos vai kaver problemi, -kontakterin čiri sastarimaski špita (vårdcentral). 1177 pe o telefono naštil te ažutil te reserveris proba/testo.

Informatsia pe švedicka pa proba/testo:  
[www.1177.se/stockholm/corona-provtagning](http://www.1177.se/stockholm/corona-provtagning)